

內觀教育基金會 2018.05

高麗德異本 (1883)

內觀教育基金會編輯
2018.05

六祖法寶壇經序

古筠比丘 德異 撰

妙道虛玄不可思議忘言得旨端可悟明
故世尊分座於多子塔前拈花於靈山會
上似火與火以心印心西傳四七至菩提
達磨東來此土直指人心見性成佛有可
大師者首於言下悟入末上三拜得髓受
衣紹祖開闡正宗三傳而至黃梅會中高

壇序

僧七百惟負春居士一偈傳衣為六代祖
南遜十餘年一旦以非風幡動之機觸開
印宗正眼居士由是祝髮登壇應跋陀羅
懸記開東山法門韋史君命海禪者錄其
語目之曰法寶壇經大師始於五年終至
曹溪說法三十七年沾甘露味八聖超凡
者莫記其數悟佛心宗行解相應為大知
識者名載傳燈惟南嶽青原執侍最久盡

元

壇序

二

得無巴鼻故出馬祖石頭機智圓明玄風
大振乃有臨濟為仰曹洞雲門法眼諸公
巍然而出道德超羣門庭峻峻啓迪英靈
衲子奮志衝關一門深入五派同源歷遍
爐錘規模廣大原其五家綱要盡出壇經
夫壇經者言簡義豐理明事備具足諸佛
無量法門一一法門具足無量妙義一一
妙義發揮諸佛無量妙理即彌勒樓閣中
即普賢毛孔中善入者即同善財於一念
間圓滿功德與普賢等與諸佛等惜乎壇
經為後人節略太多不見六祖大全之旨
德異幼年嘗見古本自後遍求三十餘載
近得通上人尋到全文遂刊于吳中休休
禪庵與諸勝士同一受用惟願開卷舉目
直入大圓覺海續佛祖慧命無窮斯余志
願滿矣至元二十七年庚寅歲仲春日叙

大祖大師法寶壇經

門人 法海 集

略序

大師名惠能父盧氏諱行瑫母李氏謚師於唐貞觀十二年戊戌二月八日子時時毫光騰空異香滿室黎明有二異僧造謁謂師之父曰夜來生兒專為安名可上惠下能也父曰何名惠能僧曰惠者以法惠

壇經序

三

施眾生能者能作佛事言畢而出不知所之師不飲乳遇夜神人灌以甘露既長年二十有四聞經悟道往黃梅求印可五祖器之付衣法令嗣祖位時龍朔元年辛酉歲也南歸隱遯一十六年至儀鳳元年丙子正月八日會印宗法師宗悟契師旨是月十五日普會四眾為師薙髮二月八日集諸名德授具足戒西京智光律師為授

壇經序

四

戒師蘇州慧靜律師為羯磨荊州通應律師為教授中天者多羅律師為說戒西國密多三藏為證戒其戒壇乃宋朝末那跋陀羅三藏初建立碑曰後當有肉身菩薩於此授戒又梁天監元年智藥三藏自西竺國航海而來將彼土菩提樹一株植此壇畔亦預誌曰後一百七十年有肉身菩薩於此樹下開演上乘度無量眾真傳佛心印之法主也師至是祝髮受戒及與四眾開示單傳之法旨一如昔識元梁天監歲考至唐儀鳳元年丙子得一百七十五年次年春師辭眾歸寶林印宗與繼白送者千餘人直至曹溪時荊州通應律師與學人數百人依師而住師至曹溪寶林觀堂宇湫隘不足容眾欲廣之遂謁里人陳亞仙曰老僧欲就檀越求坐具地得不仙曰和尚坐具幾許闊

祖出坐具示之亞仙惟然祖以坐具一屨
盡置曹溪四境四天王現身坐鎮四方今
寺境有天王嶺因茲而名仙曰知和尚法
力廣大但吾高祖墳墓並在此地他日造
塔幸望存留餘願盡捨永為寶坊然此地
乃生龍白象來脉只可平天不可平地寺
後營建一依其言師遊境內山水勝處輒
憩止遂成蘭若一十三所今日花果院隸

壇序

五

籍寺門茲寶林道場亦先是西國智藥三
藏自南海經曹溪口掬水而飲香美異之
謂其徒曰此水與西天之水無別溪源上
必有勝地堪為蘭若隨流至源上四顧山
水回環峯巒奇秀嘆曰宛如西天寶林山
也乃謂曹侯村居民曰可於此山建一梵
刹一百七十年後當有無上法寶於此演
化得道者如林宜號寶林時韶州牧侯敬

中以其言具表聞奏上可其請賜寶林為
額遂成梵宮落成於梁天監三年寺殿前
有潭一所龍常出沒其間觸撓林木一日
現形甚巨波浪洶湧雲霧陰翳徒眾皆懼
師叱之曰你只能現大身不能現小身若
為神龍當能變化以小現大以大現小也
其龍忽沒俄頃復現小身躍出潭面師展
鉢試之曰你且不敢入老僧鉢孟裡龍乃

壇序

六

遊揚至前師以鉢白之龍不能動師持鉢
上堂與龍說法龍遂蛻骨而去其骨長可
七寸首尾角足皆具留傳寺門師後以土
石埋其潭今殿前左側有鐵塔鎮處是也
龍骨至已卯寺罹兵火因失未知所之
師墜腰石鑄龍朔元年盧居士誌八字此
石今存黃梅東禪又唐王維右丞為神會
大師作祖師記云師混跡勞侶積十六載會
印宗講經因為削髮又柳宗元刺史作祖
師謚號碑云師受信具遁隱南海上十六
年度其可行乃居曹溪為人師又張商英
丞相作五祖記云五祖演化於黃梅縣之

東禪院蓋其使於將母龍朔元年以衣法
付六祖已散衆入東山結庵有居人焉茂
以山施師為道場焉以此考之則師至黃
梅傳受五祖衣法實龍朔元年辛酉歲至
儀鳳丙子得十六年師方至法性非
疑他本或作師咸亨中至黃梅者非

悟法傳衣第一

時大師至寶林韶州韋刺史璆與官僚八
山請師於大梵寺講堂為衆開緣說摩訶
般若波羅蜜法師升座次刺史官僚三十
餘人儒宗學士三十餘人僧尼道俗一千

壇經

餘人同時作禮願聞法要大師告曰善知
識終淨心念摩訶般若波羅蜜大師良久
復告衆曰善知識菩提自性本來清淨但
用此心直了成佛善知識且聽惠能行由
得法事意能嚴父本貫范陽左降流于嶺
南作新州百姓此身不幸父又早亡老母
孤遺後來南海艱辛貧乏於市賣柴時有
一客買柴使令送至客店客收去能得錢

却出門外見一客誦經能一聞經云應無
所住而生其心心即開悟遂問客誦何經
客曰金剛經復問從何所來持此經典客
云我從蘄州黃梅縣東禪寺來其寺是五
祖忍大師在彼主化門人一千有餘我到
彼中禮拜聽受此經大師常勸僧俗但持
金剛經即自見性直了成佛能聞說宿昔
有緣乃蒙一客取銀十兩與能令充老母

壇經

衣糧教便往黃梅禮拜五祖能安置母畢
即便辭親不經三十餘日便至黃梅禮拜
五祖問能曰汝何方人欲求何物能對曰
弟子是嶺南新州百姓遠來禮師惟求作
佛不求餘物祖言汝是嶺南人又是獼獠
若為堪作佛能曰人雖有南北佛性本無
南北獼獠身與和尚不同佛性有何差別
祖更欲與語且見徒衆總在左右乃令隨

衆作務子曰惠能啓和尚弟子自心常生智慧不離自性即是福田未審和尚教作何務祖云這獨獠根性大利汝更勿言著槽廠去能退至後院有一行者差能破柴踏碓經八餘月祖一日見能曰吾思汝之見可用恐有惡人害汝遂不與汝言知之否能曰弟子亦知師意不敢行至堂前令人不覺祖一日喚諸門人總來吾向汝說

壇經 三

世人生死事大汝等終日只求福田不求出離生死苦海自性若迷福何可救汝等各各自看智慧取自本心般若之性各作一偈來呈吾看若悟大意付汝衣法為第六代祖火急速去不得遲滯思量即不中用見性之人言下須見若如此者輪刀上陣亦得見之古德云臂如輪刀上陣不問如何若何此喻得底人見機而作不在衆得處分退而遞相謂曰我等

衆人不須澄心用意作偈將呈和尚有何所益神秀上座現為教授師必是他得我輩謾作偈頌枉用心力諸人間語總皆息心咸言我等已後依止秀師何煩作偈神秀思惟諸人不呈偈者為我與他為教授師我須作偈將呈和尚若不呈偈和尚如何知我心中見解深淺我呈偈意求法即善寬祖即惡却同凡心奪其聖位奚別若不呈偈終不得法大難大難五祖堂前有步廊三間擬請供奉盧珍畫楞伽經變相及五祖血脉圖流傳供養神秀作偈成已數度欲呈行至堂前心中恍惚徧體汗流擬呈不得前後經四日一十三度呈偈不得秀乃思惟不如向廊下書著從他和尚看見忽若道好即出禮拜云是秀作若道不堪橫向山中數年受人禮拜更修何道是

壇經 四

夜三更不使人知自執燈書偈於南廊壁間呈心所見偈曰

身是菩提樹 心如明鏡臺

時時勤拂拭 勿使惹塵埃

秀書偈了便却歸房人總不知秀復思惟五祖明日見偈歡喜即我與法有緣若言不堪自是我迷宿業障重不合得法聖意難測房中思想坐卧不安直至五更祖已

壇經

五

知神秀入門未得不見自性天明祖喚盧供奉來向南廊壁間繪畫圖相忽見其偈報言供奉却不用畫勞尔遠來經云凡所有相皆是虛妄但留此偈與人誦持依此偈修免墮惡道依此偈修有大利益令門人炷香禮敬盡誦此偈即得見性門人誦偈皆歎善哉祖三更喚秀入堂問曰偈是汝作否秀言實是秀作不敢妄承祖位望

和尚慈悲看弟子有少智慧不祖曰汝作此偈未見本性只到門外未入門內如此見解竟無上菩提了不可得無上菩提須得言下識自本心見自本性不生不滅於一切時中念念自見萬法無滯一真一切真萬境自如如如如之心即是真實若如是見即是無上菩提之自性也汝且去一兩日思惟更作一偈將來吾看汝偈若八

壇經

六

得門付汝衣法神秀作禮而出又經數日作偈不成心中恍惚神思不安猶如夢中行坐不樂復兩日有一童子於碓坊過唱誦其偈能一聞便知此偈未見本性雖未蒙教授早識大意遂問童子曰誦者何偈童子言金這獨獠不知大師言世人生死事大欲得傳付衣法令門人作偈來看若悟大意即付衣法為第六祖神秀上座於

南廊壁上書無相偈大師令人皆誦此偈
依此偈修免墮惡道能曰我亦要誦此結
來生緣同生佛地上人我此踏確八箇餘
月未曾行到堂前望上人引至偈前禮拜
童子引至偈前作禮能曰能不識字請上
人為讀時有江州別駕姓張名日用便高
聲讀能聞已因自言亦有一偈望別駕為
書別駕言獨齋汝亦作偈其事希有能啓
壇經 七
別駕言欲學無上菩提不得輕於初學下
下人有上上智上上人有沒意智若輕人
即有無量無邊罪別駕言汝但誦偈吾為
汝書汝若得法先須度吾勿忘此言能偈
曰
菩提本無樹 明鏡亦非臺
本來無一物 何處惹塵埃
此依黃梅山祖偈正作惹字或作有非

書此偈已徒眾總驚無不嗟訝各相謂言
奇哉不得以貌取人何得多時使他肉身
菩薩祖見眾入驚怖恐人損害遂將鞋擦
了偈云亦未見性眾入疑息次日祖潛至
確坊見能腰石舂米語曰求道之人為法
忘軀當如是乎即問曰米熟也未能曰米
熟久矣猶欠篩在祖以杖擊確三下而去
能即會祖意三鼓入室祖以袈裟遮圍不
壇經 八
令人見為說金剛經至應無所住而生其
心能言下大悟一切萬法不離自性遂啓
祖言何期自性本自清淨何期自性本不
生滅何期自性本自具足何期自性本無
動搖何期自性能生萬法祖知悟本性即
名丈夫天人師佛三更受法人盡不知便
傳頓教及衣鉢云汝為第六代祖善自護
念廣度有情流布將來無令斷絕聽吾偈

曰有情來下種因地果還生

無情既無種無性亦無生

祖復曰昔達磨大師初來此土人未之信故傳此衣以為信體代代相承法則以心傳心皆令自悟自解自古佛佛惟傳本體師師密付本心衣為爭端止汝勿傳若傳此衣命如懸絲汝須速去恐人害汝能曰向甚處去祖云逢懷則止遇會則藏惠能

壇經

九

三更領得衣鉢云能本是南中人久不知此山路如何出得江口五祖言汝不須憂吾自送汝祖相送置至九江驛邊有一隻船子祖令惠能上船五祖把船自搖惠能言請和尚坐弟子合搖橈五祖云合是吾渡汝能云迷時師度悟了自度度名雖一用處不同惠能生在邊方語音不正蒙師付法今已得悟只合自性自度祖云如是

如是以後佛法由汝大行汝去三年吾方

逝世汝今好去努力向南不宜速說佛法

難起能辭違祖已發足南行兩月中間至

大庾嶺五祖故數日不上堂眾疑詰問曰

已南矣問誰人傳授曰逐後數百人來欲

棄衣鉢一僧俗姓陳名惠明先是四品將

軍性行麤糙極意參尋為眾人先趨及於

能能擲下衣鉢於石上云此衣表信可力

壇經

十

爭耶能隱於草莽中惠明至提掇不動乃喚云行者行者我為法來不為衣來能遂出坐盤石上惠明作禮云望行者為我說法能云汝既為法而來可屏息諸緣勿生一念吾為汝說良久謂明曰不思善不思惡正與麼時那箇是明上座本來面目惠明言下大悟復問云上來密語密意外還更有密意否能云與汝說者即非密也汝

若返照密在汝邊明曰惠明雖在黃梅實未省自己面目今蒙指示如人飲水冷暖自知今行者即惠明師也能曰汝若如是吾與汝同師黃梅善自護持明又問惠明今後向甚處去能曰逢叢則止遇蒙則居明禮辭明曰至嶺下謂起衆曰向涉崔嵬為然惠明後改能後至曹溪又被惡人尋逐乃於四會縣避難獵人隊中凡經一十

壇經 十一

五載時與獵人隨宜說法獵人常令守網每見生命盡放之每至飯時以菜寄煮肉鍋或問則對曰但喫肉邊菜一日思惟時當弘法不可終遯遂出至廣州法性寺值印宗法師講涅槃經時有風吹幡動一僧云風動一僧云幡動議論不已能進曰不是風動不是幡動仁者心動一衆駭然印宗延至上席徵詰奧義見能言簡理當不

由文字宗云行者定非常人久聞黃梅衣法南來莫是行者否能曰不敢宗於是執弟子禮告請傳來衣鉢出示大衆宗復問曰黃梅付囑如何指授能曰指授即無唯論見性不論禪定解脫宗曰何不論禪定解脫謂曰為是二法不是佛法佛法是不二之法宗又問如何是佛法不二之法能曰法師講涅槃經明見佛性是佛法不二之法如涅槃經高貴德王菩薩白佛言犯四重禁作五逆罪及一闍提等當斷善根佛性否佛言善根有二一者常二者無常佛性非常非無常是故不斷名為不二一者善二者不善佛性非善非不善是名不二蘊之與界凡夫見二智者了達其性無二無二之性即是佛性印宗聞說歡喜合掌言某甲講經猶如瓦礫仁者論義猶如

壇經 十二

真金於是為能剃髮願事為師能遂於善
提樹下開東山法門能於東山得法辛苦
受盡命似懸絲今日得與史君官僚僧尼
道俗同此一會莫非累劫之因亦是過去
生中供養諸佛同種善根方始得聞如上
頓教得法之因教是先聖所傳不是惠能
自智願聞先聖教者各令淨心聞了各自
除疑如先代聖人無別師復告眾曰善知

壇經

十三

識善提般若之智世人本自有之只緣心
迷不能自悟須假大善知識示導見性常
知愚人智人佛性本無差別只緣迷悟不
同所以有愚有智吾今為說摩訶般若波
羅密法使汝等各得智慧志心諦聽吾為
汝說善知識世人終日口念般若不識自
性般若猶如說食不飽口但說空萬劫不
得見性終無有益善知識摩訶般若波羅

密是梵語此言大智慧到彼岸此須心行
不在口念口念心不行如幻如化如露如
電口念心行則心口相應本性是佛離性
無別佛何名摩訶摩訶是大心量廣大猶
如虛空無有邊畔亦無方圓大小亦非青
黃赤白亦無上下長短亦無嗔無喜無是
無非無善無惡無有頭尾諸佛刹土盡同
虛空世人妙性本空無有一法可得自性

壇經

十四

真空亦復如是善知識莫聞吾說空便即
著空第一莫著空若空心靜坐即著無記
空善知識世界虛空能含萬物色像日月
星宿山河大地泉源溪澗草木叢林惡人
善人惡法善法天堂地獄一切大海須彌
諸山總在空中世人性空亦復如是善知
識自性能含萬法是大萬法在諸人性中
若見一切人惡之與善盡皆不取不捨亦

不染著心。如虛空名之為大。故曰摩訶善知識。迷人。口說智者。心行又有迷人。空心靜坐。百無所思。自稱為大。此一輩人。不可與語。為邪見。故善知識。心量廣大。遍周法界。用即了了分明。應用便知一切。一切即一。一即一切。去來自由。心體無滯。即是般若。善知識一切般若。皆從自性而生。不從外入。莫錯用意。名為真性自用。一真一

壇經

十五

切真。心量大事。不行小道。口莫終日說空。心中不修此行。恰似凡人。自稱國王。終不可得。非吾弟子。善知識。何名般若。般若者。唐言智慧也。一切處所。一切時中。念念不愚。常行智慧。即是般若。行一念愚。即是般若。絕一念智。即是般若。生世人愚迷。不見般若。口說般若。心中常愚。常自言我修般若。念念說空。不識真。空般若。無形相。智慧心。即

是若。依如是解。即名般若。智何名波羅密。此西國語。唐言到彼岸。解義離生滅。著境生滅起。如水有波浪。即名為此岸。離境無生滅。如水常通流。即名為彼岸。故號波羅密。善知識。迷人。口念當念之時。有妄有非。念念若行。是名真性。悟此法者。是般若法。修此行者。是般若行。不修。即凡。一念修行。自身等佛。善知識。凡夫。即佛。煩惱。即菩提。

壇經

十六

前念迷。即凡。夫後念悟。即佛。前念著境。即煩惱。後念離境。即菩提。善知識。摩訶般若。波羅密。最尊。最上。最第一。無住。無往。亦無來。三世諸佛。皆從中出。當用大智慧。打破五蘊。煩惱。塵勞。如此修行。定成佛道。變三毒。為戒定慧。善知識。我此法門。從一般若。生。八萬四千智慧。何以故。為世人有八萬四千塵勞。若無塵勞。智慧常現。不離自性。

悟此法者，卽是無念、無憶、無著，不起誑妄，用自真如性，以智慧觀照於一切法，不取不捨，卽是見性成佛道。善知識若欲入甚深法界及般若三昧者，須修般若行，持誦金剛般若經，卽得見性。當知此功德無量，無邊經中分明讚歎，莫能具說。此法門是最上乘，為大智人說。為上根人說，小根小智人聞，心生不信。何以故？譬如大龍下雨，於閻浮提城邑聚落，悉皆漂流，如漂葉草。若雨大海，不增不減。若大乘人，若最上乘人，聞說金剛經，心開悟解，故知本性自有般若之智，自用智慧常觀照，故不假文字。譬如雨水，不從天有，元是龍能興致。令一切眾生一切草木，有情無情，悉皆蒙潤。百川眾流，却入大海，合為一體。眾生本性般若之智，亦復如是。善知識，小根之人聞此

壇經

十七

頓教猶如草木根性，小者若被大雨，悉皆自倒，不能增長。小根之人，亦復如是。元有般若之智，與大智人更無差別。因何聞法，不自開悟？緣邪見障重，煩惱根深，猶如大雲覆蓋於日，不得風吹，日光不現。般若之智，亦無大小。為一切眾生，自心迷悟不同。迷心外見，修行覓佛，未悟自性，卽是小根。若開悟頓教，不執外修，但於自心，常起正見，煩惱塵勞，常不能染，卽是見性。善知識，內外不住，去來自由，能除執心，通達無礙，能修此行，與般若經本無差別。善知識，一切修多羅及諸文字，大小二乘，十二部經，皆因人置。因智慧性，方能建立。若無世人，一切萬法，本自不有。故知萬法本自人興。一切經書，因人說有。緣其人有愚有智，愚為小人，智為大人。愚者問於智人，智

壇經

六

者與愚人說法愚人忽然悟解心開卽與
智人無別善知識不悟卽佛是衆生一念
悟時衆生是佛故知萬法盡在自心何不
從自心中頓見真如本性菩薩戒經云我
本元自性清淨若識自心見性皆成佛道
淨名經云卽時豁然還得本心善知識我
於忍和尚處一聞言下便悟頓見真如本
性是以將此教法流行令學道者頓悟菩
提各自觀心自見本性若自不悟須覓大
善知識解最上乘法者直示正路是善知
識有大因緣所謂化導令得見性一切善
法因善知識能發起故三世諸佛十二部
經在人性中本自具有不能自悟須求善
知識指示方見若自悟者不假外求若一
向執謂須要他善知識望得解脫者無有
是處何以故自心內有知識自悟若起邪

壇經

十九

迷妄念顛倒外善知識雖有教授救不可
得若起正真般若觀照一剎那間妄念俱
滅若識自性一悟卽至佛地善知識智慧
觀照內外明徹識自本心若識本心卽本
解脫若得解脫卽是般若三昧卽是無念
何名無念若見一切法心不染著是為無
念用卽徧一切處亦不著一切處但淨本
心使六識出六門於六塵中無染無雜來
去自由通用無滯卽是般若三昧自在解
脫名無念行若有物不思當令念絕卽是
法縛卽名邊見善知識悟無念法者萬法
盡通悟無念法者見諸佛境界悟無念法
者至佛地位善知識後代得吾法者將此
頓教法門於同見同行發願受持如事佛
故終身而不退者定入聖位然須傳授從
上以來默傳分付不得匿其正法若不同

壇經

二十

見同行在別法中不得傳付損彼前人究竟無益恐愚人不解謗此法門百劫千生斷佛種性善知識吾有一無相煩各須誦取在家出家但依此修若不自修惟記吾言亦無有益聽吾頌曰

說通及心通

如日處虛空

維傳見性法

出世破邪宗

法卽無頓漸

迷悟有遲疾

壇經

二十一

只此見性門

愚人不可悉

說卽雖萬般

合理還歸一

煩惱暗宅中

常須生慧日

邪來煩惱至

正來煩惱除

邪正俱不用

清淨至無餘

菩提本自性

起心卽是妄

淨心在妄中

但正無三障

世人若修道

一切盡不妨

常自見已過

與道卽相當

色類自有道

各不相妨惱

離道別覓道

終身不見道

波波度一生

到頭還自懊

欲得見真道

行正卽是道

自若無道心

闇行不見道

若真修道人

不見世間過

若見他人非

自非却是左

壇經

二十二

他非我不非

我非自有過

但自却非心

打除煩惱破

憎愛不關心

長伸兩脚卧

欲擬化他人

自須有方便

勿令彼有疑

卽是自性現

佛法在世間

不離世間覺

離世覓菩提

恰如求兔角

正見名出世

邪見是世間

邪正盡打却テ 菩提性宛然ス
此頌是頓教ス 亦名大法船ス
迷聞經累劫ス 悟則刹那間ス
師復曰今於大梵寺說此頓教普願法界
衆生言下見性成佛時韋史君與官僚道
俗聞師所說無不省悟一時作禮皆嘆善
哉何期嶺南有佛出世ス
釋功德淨土第二
壇經 二十三
次日韋刺史為師說大會齋齋訖刺史請
師升座同官僚士庶肅容再拜問曰弟子
聞和尚說法實不可思議今有少疑願大
慈悲特為解說師曰有疑即問吾當為說
韋公曰和尚所說可不是達摩大師宗旨
乎師曰是公曰弟子聞達摩初化梁武帝
帝問云朕一生造寺供僧布施設齋有何
功德達摩言實無功德弟子未達此理願

和尚為說師曰實無功德勿疑先聖之言
武帝心邪不知正法造寺供養布施設齋
名為求福不可將福便為功德功德在法
身中不在修福師又曰見性是功平等是
德念念無滯常見本性真實妙用名為功
德內心謙下是功外行於禮是德自性建
立萬法是功心體離念是德不離自性是
功應用無滯是德若覓功德法身但依此
作是真功德若修功德之人心即不輕常
行普敬心常輕人吾我不斷即自無功自
性虛妄不實即自無德為吾我自大常輕
一切故善知識念念無間是功心行平直
是德自修性是功自修身是德善知識功
德須自性內見不是布施供養之所求也
是以福德與功德別武帝不識真理非我
祖師有過又問弟子常見僧俗念阿彌陀

佛願生西方請和尚說得生彼否願為破
疑師言使君善聽惠能與說世尊在舍衛
城中說西方引化經文分明去此不遠若
論相說里數有十萬八千即身中十惡八
邪便是說遠說遠為其下根說近為其上
智人有兩種法無兩般迷悟有殊見有遲
疾迷人念佛求生於彼悟人自淨其心所
以佛言隨其心淨即佛土淨使君東方人
但心淨即無罪雖西方人心不淨亦有德
東方人造罪念佛求生西方西方人造罪
念佛求生何國凡愚不了自性不識身中
淨土願東願西悟人在處一般所以佛言
隨所住處恒安樂使君心地但無不善西
方去此不遠若懷不善之心念佛往生難
到今勸善知識先除十惡即行十善後除
八邪乃過八千念念見性常行平直到如

壇經

二十五

彈指便觀彌陀使君但行十善何須更願
往生不斷十惡之心何佛即來迎請若悟
無生頓法見西方只在刹那不悟念佛求
生路遙如何得達惠能與諸人移西方於
刹那間目前便見各願見否眾皆頂禮云
若此處見何須更願往生願和尚慈悲便
現西方普令得見師言大衆世人自色身
是城眼耳鼻舌是門外有五門內有意門
心是地性是王王居心地上性在王在性
去王無性在身心存性去身心壞佛向性
中作莫向身外求自性迷即是衆生自性
覺即是佛慈悲即是觀音喜捨名為勢至
能淨即釋迦平直即彌陀人我是須彌那
心是海水煩惱是波浪毒害是惡龍虛妄
是鬼神塵勞是魚鼈貪嗔是地獄愚癡是
畜生善知識常行十善天堂便至除人我

壇經

二十六

須彌倒無邪心海水渴煩惱無波浪滅毒
害除魚龍絕自心地上覺性如來放大光
明外照六門清淨能破六欲諸天自性內
照三毒卽除地獄等罪一時消滅內外明
徹不異西方不作此修如何到彼大眾聞
說了然見性悉皆禮拜俱歎善哉唯言普
願法界衆生聞者一時悟解師言善知識
若欲修行在家亦得不由在寺在家能行

壇經 二十七

如東方人心善在寺不修如西方人心惡
但心清淨卽是自性西方韋公又問在家
如何修行願為教授師言吾與大眾作無
相頌但依此修常與吾同處無別若不依
此修剃髮出家於道何益頌曰

心平何勞持戒 行直何用修禪
思則親養父母 義則上下相憐
讓則尊卑和睦 忍則衆惡無喧

若能鑽不出火 淤泥定生紅蓮
苦口的是良藥 逆耳必是忠言
改過必生智慧 護短心內非賢
日用常行饒益 成道非由施錢
菩提只向心覓 何勞向外求玄
聽說依此修行 天堂只在目前
師復曰善知識總須依偈修行見取自性
直成佛道法不相待衆人且散吾歸曹溪

壇經 二十八

衆若有疑却來相問時刺史官僚在會善
男信女各得開悟信受奉行

定慧一體第三

師示衆云善知識我此法門以定慧為本
大眾勿迷言定慧別定慧一體不是二定
是慧體慧是定用卽慧之時定在慧卽定
之時慧在定若識此義卽是定慧等學諸
學道人莫言先定發慧先慧發定各別作

此見者法有二相口說善語心中不善空
有定慧定慧不等若口俱善內外一種
定慧即等自悟修行不在於諍若諍先後
即同迷人不斷勝負却增我法不離四相
善知識一行三昧者於一切處行住坐卧
常行一直心是也如淨名經云直心是道
場直心是淨土莫心行諂曲口但說直口
說一行三昧不行直心但行直心於一切

壇經 二十九

法勿有執著迷人著法相執一行三昧直
言坐不動妄不起心即是一行三昧作此
解者即同無情却是障道因緣善知識道
須流通何以却滯心不住法道即通流心
若住法名為自縛若言坐不動是只如舍
利弗宴坐林中却被維摩詰訶善知識又
有人教坐看心觀靜不動不起從此置功
迷人不會便執成顛如此者眾如是相教

故知大錯善知識定慧猶如何等猶如燈
光有燈即光無燈即暗燈是光之體光是
燈之用名雖有二體本同一此定慧法亦
復如是善知識本來正教無有頓漸人性
自有利鈍迷人漸契悟人頓修自識本心
自見本性即無差別所以立頓漸之假名
善知識我此法門從上以來先立無念為
宗無相為體無住為本無相者於相而離
相無念者於念而無念無住者人之本性
於世間善惡好醜乃至寃之與親言語觸
刺欺爭之時並將為空不思酬害念念之
中不思前境若前念今念後念念念相續
不斷名為繫縛於諸法上念念不住即無
縛也此是以無住為本善知識外離一切
相名為無相能離於相即法體清淨此是
以無相為體善知識於諸境上心不染曰

壇經 三十

無念於自念上常離諸境不於境上生心
若只百物不思念盡除却一念絕即死別
處受生是為大錯學道者思之若不識法
意自錯猶可更勸他人自迷不見又謗佛
經所以立無念為宗善知識云何立無念
為宗只緣口說見性迷人於境上有念念
上便起邪見一切塵勞妄想從此而生自
性本無一法可得若有所得妄說禍福即
壇經 三十一

於第一義而不動
教授坐禪第四
師示眾云善知識何名坐禪此法門中無
障無礙外於一切善惡境界心念不起名
為坐內見自性不動名為禪善知識何名
禪定外離相為禪內不亂為定外若著相
內心即亂外若離相心即不亂本性自淨
自定只為見境思境即亂若見諸境心不
亂者是真定也善知識外離相即禪內不
亂即定外禪內定是為禪定淨名經云即
時豁然還得本心菩薩戒經云我本性元
自清淨善知識於念念中自見本性清淨
自修自行自成佛道然此門坐禪元不著
心亦不著淨亦不是不動若言著心心元
是妄知心如幻故無所著也若言著淨人
性本淨由忘念故蓋覆真如但無妄想性

自清淨起心著淨却生淨以妄無處所著者是妄淨無形相却立淨相言是工夫作此見者障自本性却被淨縛善知識若修不動者但見一切人時不見人之是非善惡過患即是自性不動善知識迷人身雖不動開口便說他人是非長短好惡與道違背若著心著淨却障道也

傳香懺悔第三

壇經

三十三

時大師見廣韶洎四方士庶駢集山中聽法於是升座告眾曰來客知識此事須從自性中起於一切時念念自淨其心自修自行見自己法身見自心佛自度自戒始得不假到此既從遠來一會于此皆共有緣今可各各胡跪先為傳自性五分法身香次授無相懺悔眾胡跪師曰一戒香即自心中無非無惡無嫉妬無貪瞋無劫害

名戒香一定香即觀諸善惡境相自心不亂名定香三慧香自心無礙常以智慧觀照自性不造諸惡雖修眾善心不執著敬上念下矜恤孤貧名慧香四解脫香即自心無所攀緣不思善不思惡自在無礙名解脫香五解脫知見香自心既無所攀緣善惡不可沉空守寂即須廣學多聞識自本心達諸佛理和光接物無我無人直至菩

壇經

三十四

提真性不易名解脫知見香善知識此香各自內薰莫向外覓今與汝等授無相懺悔滅三世罪令得三業清淨善知識各隨語一時道弟子等從前念今念及後念念念不被愚迷染從前所有惡業愚迷等罪悉皆懺悔願一時消滅永不復起弟子等從前念今念及後念念念不被惱誑染從前所有惡業惱誑等罪悉皆懺悔願一時

消滅永不復起。弟子等從前念今念及後念，念念不被嫉妬染，從前所有惡業嫉妬等罪，悉皆懺悔。願一時消滅，永不復起。善知識已上是為無相懺悔。云何名懺？云何名悔？懺者，懺其前慙，從前所有惡業，愚迷憍誑嫉妬等罪，悉皆盡懺，永不復起。是名為懺。悔者，悔其後過，從今已後，所有惡業，愚迷憍誑嫉妬等罪，今已覺悟，悉皆永斷，永不復作。是名為悔。故稱懺悔。凡夫愚迷，只知懺其前慙，不知悔其後過，以不悔故，前慙不滅。後過又生。前慙既不滅，後過復又生。何名懺悔？善知識，既懺悔已，與善知識發四弘誓願，各須用心正聽。自心眾生無邊，誓願度。自心煩惱無邊，誓願斷。自性法門無盡，誓願學。自性佛道無上，誓願成。善知識，大家豈不道眾生無邊，誓願度。什麼道？

壇經

三十五

且不是惠能度善知識心中眾生，所謂邪迷心，誑妄心，不善心，嫉妬心，惡毒心，如是等心，盡是眾生。各須自性自度。是名真度。何名自性自度？即自心中，邪見煩惱愚痴眾生，將正見度。既有正見，使般若智打破愚痴，迷妄眾生，各各自度。邪來正度，迷來悟度，愚來智度，惡來善度。如是度者，名為真度。又煩惱無邊，誓願斷。將自性般若智，除却虛妄思想心，是也。又法門無盡，誓願學。須自見性，常行正法，是名真學。又無上佛道，誓願成。既常能下心，行於真正，離迷離覺，常生般若，除真除妄，即見佛性。即言下，佛道成。常念修行，是願力。法善知識，今發四弘願了，更與善知識授無相三歸依戒。善知識，歸依覺，二足尊，歸依正，離欲尊，歸依淨，眾中尊。從今日去，稱覺為師，更不

壇經

三十六

歸依邪魔外道以自性三寶常自證明勸
善知識歸依自性三寶佛者覺也法者正
也僧者淨也自心歸依覺邪迷不生少欲
知足能離財色名二足尊自心歸依正念
念無邪見以無邪見故即無人我貢高貪
愛執著名離欲尊自心歸依淨一切塵勞
愛欲境界自性皆不染著名眾中尊若修
此行是自歸依凡夫不會終日至夜受三

壇經

三十七

歸戒若言歸依佛佛在何處若不見佛憑
何所歸言却成妄善知識各自觀察莫錯
用心經文分明言自歸依佛不言歸依他
佛自佛不歸無所依處今既自悟各須歸
依自心三寶內誦心性外敬他人是自歸
依也善知識既歸依自三寶竟各各志心
吾與說一體三身自性佛令汝等見三身
了然自悟自性總隨我道於自色身歸依

清淨法身佛於自色身歸依千百億化身
佛於自色身歸依圓滿報身佛善知識色
身是舍宅不可言歸向者三身佛在自性
中世人總有為自心迷不見內性外覓三
身如來不見自身中有三身佛汝等聽說
令汝等於自身中見自性有三身佛此三
身佛從自性生不從外得何名清淨法身
世人性本清淨萬法從自性生思量一切

壇經

三十八

惡事即生惡行思量一切善事即生善行
如是諸法在自性中如天常清日月常明
為浮雲蓋覆上明下暗忽遇風吹雲散上
下俱明萬象皆現世人性常浮游如彼天
雲善知識智如日慧如月智慧常明於外
著境被妄念浮雲蓋覆自性不得明朗若
遇善知識聞真正法自除迷妄內外明徹
於自性中萬法皆現見性之人亦復如是

此名清淨法身佛善知識自心歸依自性
是歸依真佛自歸依者除却自性中不善
心嫉妬心憍慢心吾我心誑妄心輕人心
慢人心邪見心貢高心及一切時中不善
之行常自見已過不說他人好惡是自歸
依常須下心普行恭敬即是見性通達更
無滯礙是自歸依何名千百億化身若不
思萬法性本如空一念思量名為變化思
量惡事化為地獄思量善事化為天堂毒
害化為龍蛇慈悲化為菩薩智慧化為上
界愚癡化為下方自性變化甚多迷人不
能省覺念念起惡常行惡道迴一念善智
慧即生此名自性化身佛何名圓滿報身
譬如一燈能除千年暗一智能滅萬年愚
莫思向前已過不可得常思於後念念圓
明自見本性善惡雖殊本性無二無二之

壇經

三十九

性名為實性於實性中不染善惡此名圓
滿報身佛自性起一念惡滅萬劫善因自
性起一念善得恒沙惡盡直至無上菩提
念念自見不失本念名為報身善知識從
法身思量即是化身佛念念自性自見即
是報身佛自悟自修自性功德是真歸依
皮肉是色身色身是舍宅不言歸依也但
悟自性三身即識自性佛吾有一無相頌
若能誦持言下令汝積劫迷罪一時消滅
頌曰
迷人修福不修道 只言修福便是道
布施供養福無邊 心中三惡元來造
擬將修福欲滅罪 後世得福罪還在
但向心中除罪緣 各自性中真懺悔
忽悟大乘真懺悔 除邪行正即無罪
學道常於自性觀 即與諸佛同一類

壇經

四十

人 人 人 人 人 人 人 人 人 人

吾祖惟傳此頓法。普願見性同一體。
若欲當來覓法身。離諸法相心中洗。
努力自見莫悠悠。後念忽絕一世休。
若悟大乘得見性。虔恭合掌至心求。
師言善知識總須誦取依此修行言下見。
性雖去吾千里。如常在吾邊。於此言下不。
悟。卽對面千里。何勤遠來珍重。好去一衆。
聞法靡不開悟。歡喜奉行。

壇經

四十一

參請機緣第六

師自黃梅得法。回至韶州曹侯村。人無知。
者。有儒士劉志略。禮遇甚厚。志略有姑。為。
尼名無盡藏。常誦大涅槃經。師暫聽。卽知。
妙義。遂為解說。尼乃執卷問字。師曰。字卽。
不識義。卽請問。尼曰。字尚不識。曷能會義。
師曰。諸佛妙理。非關文字。尼驚異之。遍告。
里中耆德。云。此是有道之士。宜請供養。有。

晉武侯玄孫曹叔良及居民。競來瞻禮。時。
寶林古寺。自隋末兵火。已廢。遂於故基。重。
建梵宇。迎師居之。俄成寶坊。師住九月餘。
日。又為惡黨。尋逐。師乃遁于前山。被其縱。
火焚燒。草木師隱。身挨入石中。得免。石於。
是有師趺坐。膝痕及衣布之紋。因名。避難。
石。師憶五祖懷會止藏之囑。遂行隱于二。
邑焉。

壇經

四十二

一僧法海。韶州曲江人也。初參祖師。問曰。
卽心卽佛。願垂指諭。師曰。前念不生。卽心。
後念不滅。卽佛。戒一切相。卽心離一切相。
卽佛。吾若具說。窮劫不盡。聽吾偈曰。
卽心名慧。卽佛乃定。定慧等等。
意中清淨。悟此法門。由汝習性。
用本無生。雙修是正。
法海言下大悟。以偈讚曰。

卽心元是佛老 不悟而自屈多
我知定慧因多 雙修離諸物多
僧法達洪州人七歲出家常誦法華經來
禮祖師頭不至地祖訶曰禮不投地何如
不禮汝心中必有一物蘊習何事耶曰念
法華經已及三千部祖曰汝若念至萬部
得其經意不以為勝則與吾偕行汝今負
此事業都不知道聽吾偈曰
壇經 四十三
禮本折慢幢老 頭奚不至地多
有我罪卽生多 功福無比多
師又曰汝名什麼曰法達師曰汝名法達
何曾達法復說偈曰
汝今名法達多 勤誦未休歇多
空誦但循聲多 明心號菩薩多
汝今有緣故多 吾今為汝說多
但信佛無言多 蓮華從口發多

達聞偈悔謝曰而今而後當謙恭一切
子誦法華經未解經義心常有疑和尚智
慧廣大願略說經中義理師曰法達法卽
甚達汝心不達經本無疑汝心自疑汝念
此經以何為宗達曰學人根性暗鈍從來
但依文誦念豈知宗趣師曰吾不識文字
汝試取經誦之一徧吾當為汝解說法達
卽高聲念經至譬喻品師曰止此經元來
壇經 四十四
以因緣出世為宗縱說多種譬喻亦無越
於此何者曰緣經云諸佛世尊惟以一大
事因緣故出現於世一大事者佛之知見
也世人外迷著相內迷著空若能於相離
相於空離空卽是內外不迷若悟此法一
念心開是為開佛知見佛猶覺也分為四
門開覺知見示覺知見悟覺知見入覺知
見若聞開示便能悟入卽覺知見本來真

性而得出現汝慎勿錯解經意見他道開
示悟入自是佛之知見我輩無分若作此
解乃是謗經毀佛也彼既是佛已具知見
何用更開汝今當信佛知見者只汝自心
更無別佛蓋為一切眾生自蔽光明貪愛
塵境外緣內擾甘受驅馳便勞他世尊從
三昧起種種苦口勸令寢息莫向外求與
佛無二故云開佛知見吾亦勸一切人於
壇經 四十五

自心中常開佛之知見世人心邪愚迷造
罪口善心惡貪瞋嫉妬諂佞我慢侵人害
物自開眾生知見若能正心常生智慧觀
照自心止惡行善是自開佛之知見汝須
念念開佛知見勿開眾生知見開佛知見
即是出世開眾生知見即是世間汝若但
勞勞執念以為功課者何異鑿牛愛尾連
曰若然者但得解義不勞誦經耶師曰經

有何過豈障汝念只為迷悟在人損益由
己口誦心行即是轉經口誦心不行即是
被經轉聽吾偈

心迷法華轉 心悟轉法華
誦經久不明 與義作隣家
無念念即正 有念念成邪
有無俱不計 長御白牛車
達聞偈不覺悲泣言下大悟而告師曰法
壇經 四十六

達從昔已來實未曾轉法華乃被法華轉
再啟曰經云諸大聲聞乃至菩薩皆盡思
共度量不能測佛智今令凡夫但悟自心
便名佛之知見自非上根未免疑謗又經
說三車羊鹿之車與白牛之車如何區別
願和尚再垂開示師曰經意分明汝自迷
背諸三乘人不能測佛智者患在度量也
饒伊盡思共推轉加懸遠佛本為凡夫說

不為佛說此理若不肯信者從他退席殊
不知坐却白牛車更於門外覓三車况經
文明向汝道惟一佛乘無有餘乘若二若
三乃至無數方便種種因緣譬喻言詞是
法皆為一佛乘故汝何不省三車是假為
昔時故一乘是實為今時故只教汝去假
歸實歸實之後實亦無名應知所有珍財
盡屬於汝由汝受用更不作父想亦不作
子想亦無用想是名持法華經從劫至劫
手不釋卷從晝至夜無不念時也達蒙啓
發踊躍歡喜以偈讚曰
經誦三千部 曹溪一句心
未明出世旨 寧歇累生狂
羊鹿牛權設 初中後善揚
誰知火宅內 元是法中王
師曰汝今後方可名念經僧也達從此領

玄旨亦不輟誦經
又僧智通壽州安豐人初看楞伽經約千
餘遍而不會三身四智禮師求解其義師
曰三身者清淨法身汝之性也圓滿報身
汝之智也千百億化身汝之行也若離本
性別說三身即名有身無智若悟三身無
有自性即名四智菩提聽吾偈曰
自性具三身 發明成四智
壇經 四十八
不離見聞緣 超然登佛地
吾今為汝說 諦信永無迷
莫學馳求者 終日說菩提
通再啓曰四智之義可得聞乎師曰既會
三身便明四智何更問耶若離三身別談
四智此名有智無身也即此有智還成無
智復偈曰
大圓鏡智性清淨 平等性智心無病

妙觀察智見非功成時依智同圓鏡
五八六七果曰轉但用名言無實性
若於轉處不留情繁興永處那伽定
如上轉識為智也教中云轉前五識為
成所作智轉第六識為妙觀察智轉第七
識為平等性智轉第八識為大圓鏡
智雖六七因中轉五八果上轉但轉其
名而不轉其體也
通頓悟性智遂呈偈曰
三身元我體四智本心明
壇經四十九
身智融無礙應物任隨形
起修皆妄動守住匪真精
妙旨因師曉終亡染汙名
僧智常信州貴溪人髻年出家志求見性
一日叅禮師問曰汝從何來欲求何事曰
學人近往洪州白峰山禮大通和尚蒙示
見性成佛之義未決狐疑遠來投禮伏望
和尚慈悲指示師曰彼有何言句汝試舉

看曰智常到彼凡經三月未蒙示誨為法
切故一夕獨入丈室請問如何是某甲本
心本性大通乃曰汝見虛空不對曰見彼
曰汝見虛空有相貌否對曰虛空無形有
何相貌彼曰汝之本性猶如虛空了無一
物可見是名正見無一物可知是名真知
無有青黃長短但見本源清淨覺體圓明
卽名見性成佛亦名如來知見學人雖聞
壇經五十
此說猶未決了乞和尚開示師曰彼師所
說猶存見知故令汝未了吾今示汝一偈
不見一法存無見大似浮雲遮日月
不知一法守空知還如太虛生閃電
此之知見瞥然興錯認何曾解方便
汝當一念自知非自己靈光常顯現
常聞偈已心意豁然乃述偈曰
無端起知見著相求菩提

情存一念悟

寧越昔時迷

自性覺源體

隨照枉遷流

不入祖師室

茫然趣兩頭

智常一日問師曰佛說三乘法又言最上乘弟子未解願為教授師曰汝觀自本心莫著外法相法無四乘人心自有等差見聞轉誦是小乘法解義是中乘依法修行是大乘萬法盡通萬法俱備一切不染

壇經

五十一

離諸法相一無所得名最上乘乘是行義不在口誦汝須自修莫問吾也一切時中自性自如常禮謝執侍終師之世

一僧志道廣州南海人也請益曰學人自出家賢涅槃經十載有餘未明大意願和尚垂誨師曰汝何處未明曰諸行無常是生滅法生滅滅已寂滅為樂於此疑惑師曰汝作麼生疑曰一切衆生皆有二身謂

色身法身也色身無常有生有滅法身有常無知無覺經云生滅滅已寂滅為樂者不審何身寂滅何身受樂若色身者色身滅時四大分散全然是苦苦不可言樂若法身寂滅即同草木瓦石誰當受樂又法性是生滅之體五蘊是生滅之用一體五用生滅是常生則從體起用滅則攝用歸體若聽更生即有情之類不斷不滅若不

壇經

五十二

聽更生則永歸寂滅同於無情之物如是則一切諸法被涅槃之所禁伏尚不得生何樂之有師曰汝是釋子何習外道斷常邪見而議最上乘法據汝所說即色身外別有法身離生滅求於寂滅又推涅槃常樂言有身受用斯乃執客生死耽著世樂汝今當知佛為一切迷人認五蘊和合為自體相分別一切法為外塵相好生惡死

念念遷流不知夢幻虛假枉受輪迴以常
樂涅槃翻為苦相終日馳求佛愍此故乃
示涅槃真樂利那無有生相利那無有滅
相更無生滅可滅是則寂滅現前當現前
時亦無現前之量乃謂常樂此樂無有受
者亦無不受者豈有一體五用之名何況
更言涅槃禁伏諸法令永不生斯乃謗佛
毀法聽吾偈曰

壇經

五十三

無上大涅槃	圓明常寂照
凡愚謂之死	外道執為斷
諸求二乘人	目以為無作
盡屬情所計	六十二見本
妄立虛假名	何為真實義
惟有過量人	通達無取舍
以知五蘊法	及以蘊中我
外現衆色像	一一音聲相

平等如夢幻 不起凡聖見
不作涅槃解 二邊三際斷
常應諸根用 而不起用想
分別一切法 不起分別想
劫火燒海底 風鼓山相擊
眞常寂滅樂 涅槃相如是
吾今強言說 令汝捨邪見
汝勿隨言解 許汝知少分

壇經

五十四

志道聞偈大悟踴躍作禮而退
行思禪師姓劉氏吉州安城人也聞曹溪
法席盛化徑來參禮遂問曰當何所務即
不落階級師曰汝曾作什麼來曰聖諦亦
不為師曰落何階級曰聖諦尚不為何階
級之有師甚器之令思首衆一日師謂曰
汝當分化一方無令斷絕思既得法遂回
吉州青原山弘法紹化

懷讓禪師金州杜氏子也初謁嵩山安國師安發之曹溪參扣讓至禮拜師曰甚處來曰嵩山師曰什麼物恁麼來曰說似一物即不中師曰還可修證否曰修證即不無汚染即不得師曰只此不汚染諸佛之所護念汝既如是吾亦如是西天般若多羅識汝足下一馬駒踏殺天下人應在汝心不須速說讓豁然契會遂執侍左右

壇經 五十五

一十五載曰益玄與後往南岳大闡禪宗永嘉玄覺禪師少習經論精天台止觀法門曰看維摩經發明心地偶師弟子玄策相訪與其劇談出言暗合諸祖玄策云仁者得法師誰曰我聽方等經論各有師承後於維摩經悟佛心宗未有證明者策云威音王已前即得威音王已後無師自悟盡是天然外道云願仁者為我證據策云

我言輕曹溪有六祖大師四方雲集並是受法者若去則與偕行覺遂同策來參達師三帀振錫而立師曰夫沙門者具三千威儀八萬細行大德自何方而來生大我慢覺曰生死事大無常迅速師曰何不體取無生了無速乎曰體即無生了本無速師曰如是如是玄覺方具威儀禮拜須臾告辭師曰返太速乎曰本自非動豈有速耶師曰誰知非動曰仁者自生分別師曰汝甚得無生之意曰無生豈有意耶師曰無意誰當分別曰分別亦非意師曰善哉少留一宿時謂一宿覺後著證道歌盛行于世

壇經 五十六

禪者智隍初參五祖自謂已得正受庵居長坐積二十年師弟子玄策遊方至河朔聞隍之名造庵問云汝在此作什麼隍云

入定策云汝云入定為有心入耶無心入耶若無心入者一切無情草木瓦石應合得定若有心入者一切有情含識之流亦應得定隍曰我正入定時不見有有無之心策云不見有有無之心即是常定何有出入若有出入即非大定隍無對良久問曰師嗣誰耶策云我師曹溪六祖隍云六祖以何為禪定策云我師所說妙湛圓寂

壇經 五十七

體用如如五陰本空六塵非有不出不入不定不亂禪性無住離住禪寂禪性無生離生禪想心如虛空亦無虛空之量隍聞是說徑來謁師師問云仁者何來隍具述前緣師云誠如所言汝但心如虛空不著空見應用無礙動靜無心凡聖情念能所俱泯性相如如無不定時也隍於是大悟三十年所得心都無影響其夜河北士庶

聞空中有聲云隍禪師今日得道隍後禮辭復歸河北開化四眾

一僧問師云黃梅意旨甚麼人得師云會佛法人得僧云和尚還得否師云我不會佛法師一日欲濯盥授之衣而無義泉因至寺後五里許見山林鬱茂瑞氣盤旋師振錫卓地泉應手而出積以為池乃跪膝浣衣石上忽有一僧來禮拜云方辯是西

壇經 五十八

蜀人昨於南天竺國見達摩大師囑方辯速往唐土吾傳大迦葉正法眼藏及僧伽梨貝傳六代於韶州曹溪汝去瞻禮方辯遠來願見我師傳來衣鉢師乃出示次問上人攻何事業方辯曰善塑師正色曰汝試塑看方辯固措數日塑就真相可高七寸曲盡其妙呈似師師笑曰汝只解塑性不解佛性師舒手摩方辯頂曰永為人天

福田
有僧舉臥輪禪師偈云
臥輪有伎倆，能斷百思想。
對境心不起，菩提日日長。
師聞之曰：此偈未明心地。若依而行之，是加繫縛。因示一偈曰：
惠能沒伎倆，不斷百思想。
對境心數起，菩提作麼長。
壇經 五十九
南頓北漸第七
時祖師居曹溪寶林神秀大師在荊南玉泉寺。于時兩宗盛化，人皆稱南能北秀。故有南北二宗頓漸之分。而學者莫知宗趣。師謂眾曰：法本一宗，人有南北。法即一種，見有遲疾。何名頓漸？法無頓漸，人有利鈍。故名頓漸。然秀之徒，眾往往譏南宗祖師不識一字，有何所長？秀曰：他得無師之智。

深悟上乘，吾不如也。且吾師五祖親傳衣法，豈徒然哉？吾恨不能遠去，親近虛受國恩。汝等諸人無滯於此，可往曹溪參決。乃命門人志誠曰：汝聰明多智，可為吾到曹溪聽法。汝若聞法盡心記取，還為吾說。志誠稟命至曹溪，隨眾參請，不言來處。時祖師告眾曰：今有盜法之人，潛在此會。志誠即出禮拜，具陳其事。師曰：汝從玉泉來，應是細作對。曰：不是。師曰：何得不是？對曰：未說即是說了，不是。師曰：汝師若為示眾對？曰：常指誨大眾，住心觀靜，長坐不卧。師曰：住心觀靜是病，非禪。長坐拘身，於理何益？聽吾偈曰：
生來坐不卧，死去卧不坐。
一具臭骨頭，何為立功課。
志誠再拜曰：弟子在秀大師處學道九年，

不得契悟今聞和尚一說便契本心弟子
生死事大和尚大慈更為教示師曰吾聞
汝師教示學人戒定慧法未審汝師說戒
定慧行相如何與吾說者誠曰秀大師說
諸惡不作為戒諸善奉行名為慧自淨
其意名為定彼說如此未審和尚以何法
誨人師曰吾若言有法與人即為誑汝但
且隨方解縛假名三昧如汝師所說戒定
慧實不可思議吾所見戒定慧又別志誠
曰戒定慧只合一種如何更別師曰汝師
戒定慧接大乘人吾戒定慧接最上乘人
悟解不同見有遲疾汝聽吾說與彼同否
吾所說法不離自性離體說法名為相說
自性常迷須知一切萬法皆從自性起用
是真戒定慧法聽吾偈曰
心地無非自性戒 心地無亂自性定

心地無癡自性慧 不增不減自金剛
身去身來本三昧
誠聞偈悔謝乃呈一偈
五蘊幻身 幻何究竟
迴趣真如 法還不淨
師然之復語誠曰汝師戒定慧勸小根智
人吾戒定慧勸大根智人若悟自性亦不
立菩提涅槃亦不立解脫知見無一法可
得方能建立萬法若解此意亦名佛身亦
名菩提涅槃亦名解脫知見見性之人立
亦得不立亦得去來自由無滯無礙應用
隨作隨語隨答普見化身不離自性即得
自在神通游戲三昧是名見性志誠再啟
師曰如何是不立義師曰自性無非無癡
無亂念念般若觀照常離法相自由自在
縱橫盡得有何可立自性自悟頓悟頓修

亦無漸次所以不立一切法諸法寂滅有
何次第志誠禮拜願為執侍朝夕不懈

志誠吉州太和人也

一僧志徹江西人本姓張名行昌少任俠
自南北分化二宗主雖公彼我而徒侶競
起愛憎時北宗門人自立秀師為第六祖
而忌祖師傳衣為天下所聞乃囑行昌來
刺於師師他心通預知其事即置金十兩

壇經

六十三

於座間時夜暮行昌入祖室將欲加害師
舒頸就之行昌揮刃者三悉無所損師曰
正劍不邪邪劍不正只負汝金不負汝命
行昌驚仆久而方寤求哀悔過即願出家
師遂與金言汝且去恐徒眾翻害於汝汝
可他日易形而來吾當攝受行昌稟言實
道後投僧出家一日憶師之言遠來禮觀
師曰吾久念汝汝來何晚曰昨蒙和尚捨

罪今雖出家若行終難報德其惟傳法度

生乎弟子嘗覽涅槃經未曉常無常義乞

和尚慈悲略為解說師曰無常者即佛性

也有常者即一切善惡諸法分別心也曰

和尚所說大違經文師曰吾傳佛心印安

敢違於佛經曰經說佛性是常和尚却言

無常善惡諸法乃至菩提心皆是無常和

尚却言是常此即相違令學人轉加疑惑

壇經

六十四

師曰涅槃經吾昔聽尼無盡藏讀誦一遍
便為講說無一字一義不合經文乃至為
汝終無二說曰學人識量淺昧願和尚委
曲開示師曰汝知否佛性若常更說什麼
善惡諸法乃至窮劫無有一人發菩提心
者故吾說無常正是佛說真常之道也又
一切諸法若無常者即物物皆有自性容
受生死而具常性有不徧之處故吾說常

者正是佛說眞無常義佛比爲凡夫外道
執於邪常諸二乘人於常計無常共成八
倒故於涅槃了義教中破彼偏見而顯說
眞常眞樂眞我眞淨汝今依言背義以斷
滅無常及確定死常而錯解佛之圓妙最
後微言縱覽千徧有何所益行昌忽然大
悟乃說偈曰

因守無常心

佛說有常性

壇經

六二五

不知方便者

猶春池拾礫

我今不施功

佛性而現前

非師相授與

我亦無所得

師曰汝今徹也宜名志徹徹禮謝而退

有一童子名神會襄陽高氏子年十三自
王泉來參禮師曰知識遠來艱辛還將得
本來否若有本則合識主試說看會曰以
無住爲本見卽是主師曰這沙彌爭合取

次語以拄杖打三下會乃問曰和尚坐禪
還見不見師云吾打汝是痛不痛對曰亦
痛亦不痛師曰吾亦見亦不見神會問如
何是亦見亦不見師言吾之見常見自
心過慙不見他人是非好惡是以亦見亦
不見汝言亦痛亦不痛如何汝若不痛同
其木石若痛則同凡夫卽起恚恨汝向前
見不見是二邊痛不痛是生滅汝自性且

壇經

六十六

不見敢甬戲論神會禮拜悔謝師又曰汝
若心迷不見問吾知識覓路汝若心悟卽
自見性依法修行汝自迷不見自心却來
問吾見與不見吾見自知豈代汝迷汝若
自見亦不代吾迷何不自知自見乃問吾
見與不見神會再禮百餘拜求謝過慙服
勤給侍不離左右一日師告衆曰吾有一
物無頭無尾無名無字無背無面諸人還

識否。神會出曰：是諸佛之本源。神會之佛性。師曰：向汝道無名無字。汝便喚作本源。佛性汝向去有把節蓋頭也。只成箇知解。宗徒會後入京洛。大弘曹溪頓教。著顯宗記行于世。

師見諸宗難問。咸起惡心。多集座下。愍而謂曰：學道之人。一切善念惡念。應當盡除。無名可名。名於自性。無二之性是名實性。

壇經

六十七

於實性上建立一切教門。言下便須自見。諸人聞說。總皆作禮。請事為師。

唐朝徵詔第八

神龍二年上元日。則天中宗詔云：朕請安秀二師。宮中供養。萬機之暇。每究二乘。二師推讓云：南方有能禪師。密受忍大師衣法。傳佛心印。可請彼問。今遣內侍薛簡。馳詔迎請。願師慈念。速赴上京。師上表辭疾。

願終林麓。薛簡曰：京城禪德皆云：欲得會道。必須坐禪。習定。若不因禪定而得解脫者。未之有也。未審師所說法如何。師曰：道由心悟。豈在坐也。經云：若言如來若坐若臥。是行邪道。何故無所從來。亦無所去。無生無滅。是如來清淨禪。諸法空寂。是如來清淨坐。究竟無證。豈況坐耶。簡曰：弟子回京。主上必問。願師慈悲。指示心要。傳奏兩

壇經

六十八

宮及京城道學者。譬如一燈然百千燈。冥者皆明。明明無盡。師云：道無明暗。明暗是代謝之義。明明無盡。亦是有盡相待立名。故淨名經云：法無有比。無相待。故簡曰：明喻智慧。暗喻煩惱。修道之人。尚不以智慧照破煩惱。無始生死。憑何出離。師曰：煩惱即是菩提。無二無別。若以智慧照破煩惱者。此是二乘見解。羊鹿等機。上智大根。悉

不如是簡曰如何是大乘見解師曰明與無明凡夫見二智者了達其性無二無二之性卽是實性實性者處凡愚而不滅在賢聖而不增住煩惱而不亂居禪定而不寂不斷不常不來不去不在中間及其內外不生不滅性相如如常住不遷名之曰道簡曰師說不生不滅何異外道師曰外道昨說不生不滅者將滅止生以生顯滅滅猶不滅生說不生我說不生不滅者本自無生今亦無滅所以不同外道汝若欲知心要但一切善惡都莫思量自然得入清淨心體湛然常寂妙用恒沙簡蒙指教豁然大悟禮謝歸闕表奏師語其年九月三日有詔獎諭師曰師辭老疾為朕修道國之福田師若淨名托疾毗耶闡揚大乘傳語佛心談不二法華簡傳師指授如來

知見朕積善餘慶宿種善根值師出世頓悟上乘感荷師恩頂戴無已并奉磨杵架案及水晶鉢勅韶州刺史師寺宇賜師舊居為國恩寺
法門對示第九
師一日喚門人法海志誠法達神會智常智通志徹志道法珍法如等曰汝等不同餘人吾滅度後各為一方師吾今教汝說法不失本宗先須舉三科法門動用三十六對出沒卽離兩邊說一切法莫離自性忽有人問汝法出語盡雙皆取對法來去相因究竟二法盡除更無去處三科法門者陰界入也陰是五陰色受想行識是也入是十二入外六塵色聲香味觸法內六門眼耳鼻舌身意是也界是十八界六塵六門六識是也自性能含萬法名含藏識

若起思量卽是轉識生六識出六門見六塵如是一十八界皆從自性起用自性若邪起十八邪自性若正起十八正含惡用卽衆生用善用卽佛用用由何等由自性有對法外境無情五對天與地對日與月對明與暗對陰與陽對水與火對此是五對也法相語言十二對語與法對有無無對有色與無色對有相與無相對有漏與無漏對色與空對動與靜對清與濁對凡與聖對僧與俗對老與少對大與小對此是十二對也自性起用十九對長與短對邪與正對癡與慧對愚與智對亂與定對慈與毒對戒與非對耳與目對實與虛對險與平對煩惱與菩提對常與無常對悲與害對喜與嗔對捨與慳對進與退對生與滅對法身與色身對化身與報身對此

壇經

七十一

是十九對也師言此三十六對法若解用卽道貫一切經法出入卽離兩邊自性動用共人言語外於相離相內於空離空若全著相卽長邪見若全執空卽長無明執空之人有謗經言不用文字旣云不用文字人亦不合語言只此語言便是文字之相又云直道不立文字卽此不立兩字亦是文字見人所說便卽謗他言著文字汝等須知自迷猶可又謗佛經不要謗經罪障無數若著相於外而作法求真或廣立道場說有無之過患如是之人累劫不可見性但聽依法修行又莫百物不思而於道性窒礙若聽說不修令人反生邪念但依法修行無住相法施汝等若悟依此說依此用依此行依此作卽不失本宗若有人問汝義問有將無對問無將有對問

壇經

七十二

凡以聖對問聖以凡對二道相因生中道
義汝一問一對餘問一依此作即不失理
也設有人問何名為暗答云明是因暗是
緣明沒即暗以明顯暗以暗顯明來去相
因成中道義餘問悉皆如此汝等於後傳
法依此迭相教授勿失宗旨
付囑流通第十
師於太極元年壬子七月玄宗八月即位
方改先天元年
壇經 七十三
次年遂改為開元先天即無命門人往新
州國恩寺建塔仍命促工次年夏末落成
七月一日集徒眾曰吾至八月欲離世間
汝等有疑早須相問為汝破疑令汝迷盡
吾若去後無人教汝法海等聞悉皆涕泣
惟有神會不動神情亦無涕泣師曰神會
小師却得吾不吾等毀譽不動哀樂不生
餘者不得數年在山竟修何道汝今悲泣

為愛阿誰若真吾不知去處吾自知去處
吾若不知去處終不預報於汝汝等悲泣
蓋為不知吾去處若知吾去處即不合悲
泣法性本無生滅去來汝等盡坐吾與汝
等一偈名曰真偈動靜偈汝等誦取此偈
與吾意同依此修行不失宗旨眾僧作禮
請師說偈偈曰
一切無有真 不以見於真
壇經 七十四
若見於真者 是見盡非真
若能自有真 離假即心真
自心不離假 無真何處真
有情即解動 無情即不動
若修不動行 同無情不動
若覓真不動 動上有不動
不動是不動 無情無佛種
能善分別相 第一義不動

但作如此見 卽是真如用
報諸學道人 努力須用意
莫於大乘門 却執生死智
若言下相應 卽共論佛義
若實不相應 合掌令歡喜
此宗本無諍 諍則失道意
執逆諍法門 自性入生死
時徒衆聞說偈已 普皆作禮 並體師意 各
壇經 七十五
各攝心依法修行 更不敢諍 乃知大師不
久住世 法海上座 再拜問曰 和尚入滅之
後 衣法當付何人 師曰 吾於大梵寺說法
以至於今 抄錄流行 目曰法寶壇經 汝等
守護 遞相傳授 度諸群生 但依此說是名
正法 今為汝等說法 不付其衣 蓋為汝等
信根淳熟 決定無疑 堪任大事 然據先祖
達摩大師付授偈意 衣不合傳 偈曰

吾本來茲土 傳法救迷情
一花開五葉 結果自然成
師復曰 汝等若欲成就種智 須達一相三
昧 一行三昧 若於一切處 而不住相 於彼
相中 不生憎愛 亦無取舍 不念利益成壞
等事 安閑恬靜 虛融澹泊 此名一相三昧
若於一切處 行住坐卧 純一直心 不動道
場 眞成淨土 此名一行三昧 若人具二三
壇經 七十六
昧 如地有種 含藏長養 成熟其實 一相一
行 亦復如是 我今說法 猶如時雨 普潤大
地 汝等佛性 譬諸種子 遇茲露洽 悉得發
生 承吾旨者 決獲菩提 依吾行者 定證妙
果 聽吾偈曰
心地含諸種 普雨悉皆萌
頓悟花情已 菩提果自成
師說偈已 曰 其法無二 其心亦然 其道清

淨亦無諸相汝等慎勿觀靜及空其心此
心本淨無可取捨各自努力隨緣好去爾
時徒眾依禮而退

大師七月八日忽謂門人曰吾欲歸新州
汝等速理舟楫大衆哀留甚堅師曰諸佛
出現猶示涅槃有來必去理亦常然吾此
形骸歸必有時衆曰師從此去早晚可回
師曰葉落歸根來時無已又問曰正法眼

壇經

七十七

藏傳付何人師曰有道者得無心者通又
問後莫有難否師曰吾滅後五六年當有
一人來取吾首聽吾記曰頭上養親口裡
須殮遇滿之難楊柳為官又云吾去七十
年有二菩薩從東方來一出家一在家同
時興化建立吾宗締緝伽藍昌隆法嗣問
曰未知從上佛祖應現已來傳授幾代願
垂開示師云古佛應世已無數量不可計

也今以七佛為始過去莊嚴劫毘婆尸佛
尸棄佛毗舍浮佛今賢劫拘留孫佛拘那
含牟尼佛迦葉佛釋迦文佛是為七佛釋
迦文佛首傳摩訶迦葉尊者

第二阿難尊者

第三商那和修尊者

第四優波鞠多尊者

第五提多迦尊者

第六彌遮迦尊者

第七婆須密多尊者

第八佛駄難提尊者

第九伏駄密多尊者

壇經

七十八

第十脇尊者

十一富那夜奢尊者

十二馬鳴大士

十三迦毗摩羅尊者

十四龍樹大士

十五迦那提婆尊者

十六羅睺羅尊者十七僧伽難提尊者

十八伽耶舍多尊者十九鳩摩羅多尊者

二十閼耶多尊者二十一婆須般頭尊者

二十二摩拏羅尊者二十三鶴勒那尊者

二十四師子尊者二十五婆舍斯多尊者

二十六不如密多尊者 二十七般若多羅尊者
二十八菩提達摩尊者此土是為初祖
二十九慧可大師 三十僧璨大師
三十一道信大師 三十二弘忍大師
慧能是為三十三祖從上諸祖各有稟承
汝等向後遞代流傳毋令乖悞
大師開元元年癸丑歲八月三日於國恩
寺齋罷謂諸徒眾曰汝等各依位坐吾與
汝別法海白言和尚留何教法令後代迷
人得見佛性師言汝等諦聽後代迷人若
識眾生即是佛性若不識眾生萬劫覓佛
難逢吾今教汝識自心眾生見自心佛性
欲求見佛但識眾生只為眾生迷佛非是
佛迷眾生自性若悟眾生是佛自性若迷
佛是眾生自性平等眾生是佛自性邪險
佛是眾生汝等心若險曲即佛在眾生中

一念平直即是眾生成佛我心自有佛自
佛是真佛自若無佛心何處求真佛汝等
自心是佛更莫狐疑外無一物而能建立
皆是本心生萬種法故經云心生種種法
生心滅種種法滅吾今留一偈與汝等別
名自性真佛偈後代之人識此偈意自見
本心自成佛道偈曰
真如自性是眞佛 邪見三毒是魔王
邪迷之時魔在舍 正見之時佛在堂
性中邪見三毒生 即是魔王來住舍
正見自除三毒心 魔變成佛真無假
法身報身及化身 三身本來是一身
若向性中能自見 即是成佛菩提因
本從化身生淨性 淨性常在化身中
性使化身行正道 當來圓滿真無窮
娑婆本是淨性因 除娑即是淨性身

性中各自離五欲見性刹那即是真
今生若遇頓教門忽悟自性見世尊
若欲修行覓作佛不知何處擬求真
若能心中自見真有真即是成佛因
不見自性外覓佛起心總是癡人
頓教法門今已留救度世人須自修
報汝當來學道者不作此見大悠悠
師說偈已告曰汝等好住吾滅度後莫作
壇經 八十一
世情悲泣兩淚受人吊問身著孝服非吾
子亦非正法但識自本心見自本性無
無靜無生無滅無去無來無是無非無住
無往恐汝等心迷不會吾意今再囑汝
汝見性吾滅度後依此修行如吾在日
違吾教縱吾在世亦無有益復說偈曰
兀兀不修善騰騰不造惡
寂寂斷見聞蕩蕩心無著

師說偈已端坐至三更忽謂門人曰吾行
矣奄然遷化于時異香滿室白虹屬地林
木變白禽獸哀鳴十一月廣韶新三郡官
僚洎門人緇白爭迎真身莫決所之乃焚
香禱曰香煙指處師所歸焉時香煙亘貫
曹溪十一月十三日遷神龕併所傳衣鉢
而回次年七月二十五日出龕弟子方辯
以香泥上之門人憶念取首之記須先以
鉢葉漆布固護師頸入塔忽於塔內白光
出現亘上衝天三日始散韶州奏聞奉勅
立碑紀師道行師春秋七十有六年二十
四傳衣三十九祝髮說法利生三十七載
得旨嗣法者四十三人悟道超凡者莫知
其數達摩所傳信衣傳西域屈中宗賜磨
衲寶鉢及方辯塑師真相并道具等主塔
侍者尸之永鎮寶林道場流傳壇經以顯

宗旨興隆三寶普利群生者

六祖禪師法寶壇經終

師入塔後至開元十年壬戌八月三日
夜半忽聞塔中如拽鉄索聲衆僧驚起
見一孝子從塔中走出尋見師頸有傷
具以賊事聞於州縣令楊侃刺史柳無
忝得蝶切加擒捉五日於石角村捕得
賊人送韶州鞠問云姓張名淨滿汝州
梁縣人也於洪州開元寺受新羅僧金
大悲錢二十千令取六祖大師首歸海
東供養柳守聞狀未卽加刑乃躬至曹
壇經 八十三
溪問師上疑令韜曰如何處斷韜曰若
以國法論理須誅夷但以佛教慈悲寬
親平等死彼求欲供養罪可恕矣柳守
嘉歎曰始知佛門廣大遂救之上元元
年肅宗遣使就請師衣鉢歸內供養至
永泰元年五月五日代宗夢六祖大師
請衣鉢七日勅刺史楊絳云朕夢感能
禪師請傳衣袈裟却曹溪令遣鎮國大
將軍劉崇景頂戴而送朕謂之國寶卿
可於本寺如法安置專令僧衆親承宗
旨者嚴加守護勿令遺失後或為人偷
竊皆不遠而獲如是者數四憲宗謚大

鑑禪師塔曰元和靈照其餘事蹟係在
載唐尚書王維刺史柳完元刺史劉禹
錫等碑守塔沙門令韜錄

宋太祖開國之初王師平南海劉氏殘
兵作梗師之塔廟鞠為煨燼而眞身爲
守塔僧保護一無所損尋有制興修功
未畢會宋太祖卽位留心禪門詔新
師塔七層加謚大鑑眞空禪師太平興
國之塔宋仁宗天聖十年具安輿迎
師眞身及衣鉢入內供養加謚大鑑眞
空普覺禪師宋神宗加謚大鑑眞空
普覺圓明禪師本州復興梵刹事蹟元

壇經

八十四

獻公晏殊所作碑記具載六祖禪師自
唐開元元年癸丑歲示寂至大元至
元二十七年庚寅歲已得五百七十八
年矣
成化十五年己亥五月日白雲山昇風
庵所開刊者而今大清光緒九年癸未
五月日伽耶山海印寺重修刊板其間
年數凡三百七十三年矣至元庚寅至
成化己亥凡爲幾年乎無文不可考矣
自師滅度至于今日幾百年載而其蹟
完存可知其剞劂之功至大矣夫

古者刊跋

壇經乃述六祖禪師本末與夫接門弟子問答之語其辭真截豁露分明示人更無隱語達摩而下最為奇特可為直指人心見性成佛之捷徑但其間別有一句雖不出於文字語言之外却不在於文字語言之中試問諸人還讀得麼若讀得出立地化凡成聖其或未然且只循行數墨亦極不唐捐 秋谷長老捐財持

壇經

八十五

流通撒向諸人面前直是老婆心切不知誰解體悉此意耶 吓南翁跋
法寶壇經乃是佛祖骨髓真截根源了無枝葉如日麗天靡所不照如水歸海同鹹味見者飲者莫不具足報 國秋谷老師刊板印施以廣其傳欲令學者若菩薩頓悟心宗令趣覺地雖然葉落歸根來時無若謂老盧末後句此卷向其處得來 延祐丙辰三月日瑞光景瞻拜書

泰和七年十二月日社內道人湛默持一卷文到

室中曰近得法寶記壇經待重刻之以廣其傳師其跋之予欣然對曰此予平生宗承修學之龜鑑也予其彰印流行以壽後世其慨老僧意然此有一段疑焉南陽忠國師謂禪客曰我此閒身心一如心外無餘所以全不生滅汝南方身是無常神性是常所以半生半滅半不生滅又曰吾此遊方多見此色近尤盛矣把他壇經云是南方

壇經

八十六

宗旨添標鄙談削除聖意惑亂後徒予今所得正是本文非其沾記可免國師所訶然細詳本文亦有身生滅心不生滅之義如云真如性自起念非眼耳鼻舌能念等正是國師所訶之義修心者到此不無疑念如何道遣令其深信亦令聖教流通耶默曰然則會通之義可得聞乎予曰老僧曩者依此經誦味忘數故得祖師善權之意何者祖師為懷讓行思等密傳心印外為韋撥等道俗

千餘人說無相心地戒故不可以一往談真而避俗
又不可一往順俗而違真故坐隨他意半稱自證
說真如起念非眼耳能念等語要令道俗等先須
返觀身中見聞之性了達真如然後方見祖師
身心一如之密意耳若無如是善權真說身心
一如則緣目觀身生滅故出家修道者尚生疑惑况千
人俗如何信受是乃祖師隨機誘引之說也忠國
師訶破南方佛法之病可謂再整頹綱扶現聖意
壇經 八十七
堪報不報之恩我等雲孫既承親承密傳當依如
此顯傳明誠實之語返照自心本來是佛不落斷常
可為離過矣若觀心不生滅而見身有生滅則於法上
以生二見非性相融會者是知依此一卷靈文得
意參詳則不歷僧祇速證菩提可不彫印流行作
大利益耶默曰唯唯於是乎書
海東曹溪山修禪社沙門知訥跋
法寶記壇經是曹溪六祖說見性成佛決定無

疑法依此經者佛在堂背此經者魔在舍魔佛
之辨莫由此經矣其或自究耳聞而尚由魔佛者
吾末如之何也矣 普照祖翁依此經而自除眼
貴與人刮膜亦由此經故此經之流播海東也異乎
他書道人永淑得科正本撫錄鏤梓欲廣印施
嘉其知寶在斯與人共之故書而為跋
柔兆執徐病月清明二日晦堂安其書
天無先後道何南北遠近有異頓漸斯分利
鈍在不關於法於此有上根大智一撥便轉先得
其源窮之又究隨其言迹不生取捨之心會融宗
旨歸就自心則已到佛祖之地亦易乎古人之至理
妙言雖載於龍宮滿藏若不刊施如何流布文字
傳來我亦得見無佳幸生千載之後暫嘗禪門
之味非宿世之因緣豈今日之感遇我曹溪大士
一生所至隨緣問答玄言妙句仍成一卷流于後
世實靈山微笑之旨自此盛興清源南嶽後

裔繩繩直指人心成佛捷徑捐財入梓流通無窮此乃法海之功秋谷之德噫長老拏雲授唐本法寶壇經具跋文是我國曹溪牧牛子所述不勝慶抃而無佳亦不揆蠡測而隨喜重彫印施若干所冀使後之學者心心相印燈燈相續與天地無盡也云

萬歷二年甲戌仲秋曹溪後學知幻堂無住子行思稽首謹跋

壇經

八十九

山之僧普淨梵行異常者也高超俗表白雲岩間天影臺上結庵居者十二年矣一日淨持一卷文而到室中曰近得法寶記壇經乃成化十五年此白雲山屏風庵開板也異乎多歷年紀而手接自觀實為有緣將重鐫板以廣其傳師其跋余曰諾若無古人之刊傳豈至于今日乎今若不傳後之者何可得見後不可見則見性成佛之法已矣余故隨喜而跋康熙四十二年癸未八月日曹溪後學中華子大憲誌

刊行壇經後跋

光緒九年癸未之夏山之道人茵峰西公募其緣而重修刊板印施若干謂余其跋余欣然曰此文之高峻義趣之深遠昭在於古師之序跋不煩煩重然祖云吾滅度後依此修行如吾在日若違吾教縱吾在世亦無利益又云心之一法無頭尾無形相元無名字可立但以衆生自迷其性妄想執著種種分別故吾假設文字以度迷人是老婆心切

壇經

九十一

至矣盡矣然固非剖傳祖去後數百歲承其言赫二若今日乎噫吾曹生于千載之下雖未親承密傳如此目觀其文幸莫大矣若依此修行默得乎無名字之心則吾祖之苦口丁說真不歸虛矣今日之捐財削功亦不虛浪矣既然如是則師與吾等先憂其文之不傳世而次憂其人之不依修行乎信海門人龍溟沙彌鳳機稽首謹書自大元至元二十七年庚寅歲至延祐丙辰重刊至

泰和七年重刊至大明成化十五年己亥 重刊然而自元至元庚寅至成化己亥於焉 過元至明無紀年代中間年數不知幾何 矣自成化己亥過九十六年而至於萬曆 二年甲戌重刊自三年乙亥過一百二十 九年而至崇禎後大清康熙四十二年癸未重 刊自三年甲申過一百八十一年而至光 緒九年癸未夏今此重刊嗚呼自成化己 亥至今凡為四百有六年而其文完存 又自師滅至成化己亥凡經幾百年代自 釋尊滅後至六祖入滅又經幾許百年始 知佛法亘古亘今盡未來際常住不滅也		伏願以此刊板印施功德奉為		主上殿下聖壽萬歲至道通明玉歷遐長		玉妙殿下聖壽萬歲坤儀永淑金枝益茂		世子邸下聖壽千秋睿業清輝鶴筭不老		先王先后悟無生兩順風調民安樂		時和歲豐國泰平佛日增輝法輪轉		仰願化主都監別座助緣良工見聞隨喜		受持讀誦者及與法界四生七趣三途八難四	
恩三有一切有識含靈仗此勝緣同圓種智 俱成正覺摩訶般若波羅密		大施主		清信女曹氏大悲華		緣化秩		證明比丘秋淡并幸良工徐鳳雲		書寫比丘龍演鳳機		持殿比丘青蓮夏水		都監比丘鏡庵仁性		別座比丘	
淨掃沙彌文注		供司比丘		玟琪		化主比丘茵峰		友松文圭		品月本洋		海鏡炫俊		鏡潭映宣		普蓮炫基	
和尙圓雲正守		僧統鏡庵仁性		維那青蓮夏水		書記太昊		三甫暢祐		直使奉修		蓮城道守		應月敬辰		海真壯雄	
律庵輔印		水龍琪仝		應月敬辰		蓮城道守		應月敬辰		蓮城道守		應月敬辰		蓮城道守		應月敬辰	
雲華普淨		普明奉念		維那青蓮夏水		書記太昊		三甫暢祐		直使奉修		蓮城道守		應月敬辰		海真壯雄	
秋淡并幸		又惺省選		維那青蓮夏水		書記太昊		三甫暢祐		直使奉修		蓮城道守		應月敬辰		海真壯雄	
德庵尚律		蒼波智秀		僧統鏡庵仁性		維那青蓮夏水		書記太昊		三甫暢祐		直使奉修		蓮城道守		應月敬辰	
禮峰平信		錦雨性聰		普蓮炫基		鏡潭映宣		海鏡炫俊		品月本洋		友松文圭		鏡庵基周		性虛義演	
信海瑞章		敬松尚軟		德峰尚真		錦雨性聰		蒼波智秀		又惺省選		普明奉念		水龍琪仝		應月敬辰	
鏡峰太睿		德峰尚真		錦雨性聰		蒼波智秀		又惺省選		普明奉念		水龍琪仝		應月敬辰		應月敬辰	
淵緇思賢		性虛義演		品月本洋		友松文圭		鏡庵基周		性虛義演		品月本洋		友松文圭		鏡庵基周	
山中秩		青蓮夏水		友松文圭		品月本洋		鏡庵基周		性虛義演		品月本洋		友松文圭		鏡庵基周	
壇經		九十二		九十二		九十二		九十二		九十二		九十二		九十二		九十二	